

رواية احببت جارتى كاملة



لتحميل المزيد من الروايات زوروا موقعنا

ايجي فور تريندس

او يمكنكم زيارة الموقع مباشرة من خلال

الروابط التالية

[www.egy4trends.blogspot.com](http://www.egy4trends.blogspot.com)

[www.egy4trends.com](http://www.egy4trends.com)

عصام كان يحب مريم بزاف شاب طويل و  
اسمر عمرو ٢٥ سنة اما مريم شابة صغيرة  
١٨ سنة شابة بزاف شعرها طويل و شاتان و  
عينها يا عمري زروقة و بيضة تفتن كما  
بياض الثلج لكن المشكلة هنا انو مريم  
مكانتش تحب عصام ومكانتش تديها فيه  
باسك هي شابة تهبل و الف واحد يجري  
موراها و هي لاهية بقرايتها عندها لباك  
قالت ليماها خالتي جميلة بلي لازم ندي  
لباك بأعلى معدل باه نقرا الطب يماما  
حلمي انو نولي طبيبة قد دنيا وفعلا هي  
متفوقة فدراستها دايمما تجي هي الاولى و  
كان خاطيها لخرجات و دخلات يعني من  
المدرسة لدار ماتحبش تخلط بزاف عندها  
صحبتها وحدة إكرام لي تحبها بزاف وتحكيها

كلش بما انو مريم كانت لوحيدة تع دار  
معندهاش خاوة مالا كانت اكرام كما ختها  
أما عصام كان هذاك لوقت شاب فقير قتلاتو  
هموم الحياة ما عندو لا دار لا دراهم لا والو  
كان يخدم حمال مسكين دايمًا ظهرو مكسر  
متعب يجي لدار يلاقيه راجل يماه بسبان و  
لمعايرة كان يقولو راجل قد راجل و مزال  
مدرت حاجة فحياتك هنا عصام كان يتقهر  
ملداخل مسكين لانو زوالي و يتيم معليناش  
واحد ليوم كان قاعد عصام فلاحومة و حدو  
حتان شاف كاميو جاي و فيه قش تع رحلة  
هنا عرف عصام بلي راجل يجو جيران جدد  
للباطيمة .... يتبع

تفاعل نكملها دوک دوک □□□□□□

الجزء ٢ : هنا عرف عصام بلي راجل جوي جيران

جدد ليهم مي مكانش متوقع شكون غير  
وصلو هنا عصام تخلع مكانش متوقع مريم  
تجي تسكن قدامهم مريم لي داتلو عقلو و  
عندو شحال و هو يتبع بيها مريم لي سحراتو  
بزينها لي يظال موراهما يستنا وكتاه تخرج  
مليسي باه يهدر معاها هنا عصام صايي طار  
ملفرحة و قال صايي مدام جات لهننا راح  
نشوفها ليل ونهار و نضل موراهما حتان تقبل  
بيا لكن مريم غير هبطت مطونوبيل و  
شافتو وجها تقلب سمات بسم لله واش  
جابو هذا سامط لهننا وين نروح نلقاه فوجهي  
دخلت مريم تجري للعمارة و مطلعة دوزان  
مع باباها و يماها دخل عصام موراهما قالها  
واش زين جيتو تسكنو قدامي لقمر ياه  
يطلع عليا كل يوم دارت ليه مريم و قاتلو نتا  
متروخش تبعدني يسامط كرهت حياتي  
بسبتك فليسي متبعني فحومتي لقديمة

متبعني حتا كي رحلت قلت سلكت من  
وجهك لاقاني ربي بيك ضربها عصام بضحكة  
و قالها راح نموت بلفرحة راحت مريم تجري  
لدار طلع موراها عصام باه يشوف دارهم  
تلاقا باباها قالو عمي كاش متحتاج مساعدة  
راني هنا قالو بابات مريم ربي يحفظك  
يوليدي هبط عصام يطلع معاهم دوزان و  
مريم راح تتطرطق مزعاف و تقلق تاع  
عصام هبطت لتحت عيبت عليه قاتلو واحد  
ماقالك عاونا حط كلش وروح علينا منا  
عصام ضحك و قالها والله ماني رايح حتا  
نكمل معاكم تطلع تاع دوزان زادت مريم  
تقلقت كثر و طلعت لدار تجري و زعفانة  
10 جام للحلقة باه نحطلكم لي وراها

الجزء ٣ : مريم تقلقت بزاف وطلعت تجري

لدار سكرت لباب على شمبرتها و تبكي و  
تقول ياربي هذا لموصيبة و كتاه يروح  
يخطيني ياربي انا وش درت باه نتعاقب بهذا  
عصام و تبكي بحرقة و عصام لتحت  
مسكين فرحان وهو يعاون فبابات مريم و  
يقولو وين نخط هذي عمي وين ندير هذي  
عمي و كي كملو قالو واش تحتاج يا عمي  
راني هنا عيطلي اسمي عصام جاركم نسكن  
تحتكم قالو متشرفين يوليدي حنا لفامي  
بومراح وانا عمك السعيد ايا عصام فرح  
حس روهو بلي عمي السعيد حبو بزاف  
هبط عصام يجري راح لدارهم باه يفطر  
فتحت يماه قاتلو واش يوليدي ليوم راك  
طاير بلفرحة واش كايين خير قالها والو يما  
برك راهو طالعلي لمورال راح عصام يفطر  
وكي كمل بعثاتو يماه يشري هبط يجري لقا  
مريم فلحانوت لابسة جلابة و رافعتها كانو

رجليها يبانو عصام مابعدش عينيه منهم  
قعد هكاك فرجليها لبيوضة حتا قالو مول  
لحانوت واش عصام كश्ما خصك قالو وي  
عمي حميد باكي لوبيا و قرعة ايزيس الله  
يحفظك مريم غير شافتو دات قضيانها و  
راحت تجري حتى صرف ماداتوش و عمي  
حميد يعيطلها ياطفلة صرف تاك قالو  
عصام معليش اعطيها هذي جارتى ذك  
نطلع نديهولها عطاهاولو و راح موراها يجري  
قالها نتي وشبيك هكا وين تشوفييني تهربي  
تقول شفتي وحش قاتلو مريم نتا كثر  
ملوحش نتا حيوان و ماتفهمش شحال من  
مرة قتلك خطيني بعدني مانحملكش و  
مانحملكش نشوف وجهك مي نتا كي لحيوان  
ماتفهمش هنا عصام تشوكا من هدره مريم  
و قالها شدي صرف تاك نسيتيه و هبط  
يجري و دمعة في عينو1

## 10 جام للحلقة ونكملو لحباب

الجزء ٤ : هبط عصام مسكين مقهور دخل  
لدارهم خبط لقضيان فلرض و يماه و ختو  
جاو يجرو حط الصرف و خبط لباب تع  
شمبرتو و قالهم منسحق حتا واحد ينوضني  
قالت يماه اخاه وشبيك طفل هذا وين كان  
فرحان و يسوطي راحت و خلاوه يرقد مع  
لعشية ناض عصام غسل وجهو و هبط  
للحومة يلعب ماتش لعب حتا عيا و طلع باه  
يدوش و هو طالع لقا مريم قدامو قاتلو  
حببت نقلك حاجة سمحلي على لهدرة لي  
قتهاالك مشي بقصدي نتا قلقنتني و طلعت  
تجري هنا عصام ولاتلو شوية روح طلع  
دوش و كي كمل طاح ليل راحو يتعشاو قالو  
راجل يماه ليوم شفت قش لتحت شكون



شرا دوزان جديد قالو عصام لالا هذا جيران  
جدد جاو يسكنو فدار تع توفيق ليكان حاب  
بييعها قالو راجل يماه وشكون هذو ناس هه  
سور مهابل جاو يسكنو هنا فباطيمة معمرة  
مافيا قالو عصام مكايين حتا مافيا هنايا من  
غير هذوك رجال لي يظلو يسكرو قالو راجل  
يماه هه معليش و شحال عندو ذراري هذا  
راجل نطق عصام عندو طفلة وحدة و عينيه  
يلمعو ملفرحة قالو ابوو و شحال عمرها  
نطق عصام قالو نتا تحوس تفهم بزاف وش  
دخلك فطفلة نطقت ختو قالت لالا خويا  
شحال عمرها بلاك تولي صحبتي ونولي  
نلعب معاها قال عصام لالا ييبوبونة مريم  
كبيرة تجوز لباك مهيش قدك قال راجل يماه  
ااه تسما تجوز لباك و اسمها مريم نطقت  
مرتو قاتلو ياراجل ونتا واش خصك فطفلة  
حتا قال عصام والله حتا بنات ناس

ماسلكوش منو خبط راجل يماه طبسي تاع  
لوبيا فلرض و قالو نتا كاش خطرة  
نديفورميلك وجهك مكاش خامج هنا كثر  
منك يلحمال لكافي

10 جامات للحلقة وعيطولي نكمل

الجزء 0 : صرات باقار كبيرة بين عصام  
وراجل يماه عصام قالو ياوحد سكران دايم  
ثامل انا راجل عليك ورافد دار نتا هو لحتالة  
لكافي دايم مترامي فلرض دراهمك راحو  
غير فسكرة لوكان ماشي على وجه يما راني  
كسرتك قتلو يماه لالا يعصام راهو كما باباك  
نطق عصام قالها هذا السكيير يلحق بابا تع  
وجهو يلحق بابا ابابا راجل رفدت يدو راجل  
يماه رايح يضربو و يماه تحد بيناتهم و ختو  
غير تبكي و راجل يماه راح يضربو و طبع

يماه لهيه طاحت على طابونة و عصام يعيط  
يماا يما ياوحد لكلب كفاه طبع يما راجل  
يماه فتح لباب و هرب و عصام و ختو ييكو  
قال لختو جيبيلي تلفون نعيط لبيومبيي و  
يماه تقولو مكalah راني مليحة راني مليحة  
وهي مسكينة ظهرها ميت بلوجع وهو يعيط  
و يقول سااارة جيبي تلفون اجري جابتهولو  
عيط لبيومبي هبطو أهل مريم و مريم يجرو  
يشوفو واش هاذ لعياط و لبكا لقاو لبيومبي  
مخرجين يماات عصام فلحمالة و عمي  
سعيد يقولو سلامة راسها ياوليدي ياك غير  
لخير قالو راجل يما طبعها طاحت على  
طابونة و قالو عمي سعيد سلامة راسها  
كاش محتاجو راني هنا كاش محتاج دوا  
راني هنا قالو عصام ربي يكثر خيرك عمي داو  
يماات عصام لسبيطار و عالجوها و رجعت  
لدار لكن مسكينة مشي قادرة توقف غير

فراش و حالة دار تدهورت راجلها ملي خرج  
مزادش ولا قالها عصام سوغ راه طايح مع  
سكرات تاوعو ونتي هنا خلاك متلايحة  
عصام ولى يخدم ليل ونهار لمهم يلقي خدمة  
باه يشري دوا ليماه مولاش بيان بزاف  
وتعبان دايمن مسكين غير يدخل لدار يروح  
كاشما يطيب ليماه لمريضة

10 جام خفو باه نكملوها

الجزء ٦ : ولا عصام مسكين كامل ميبانش  
حمل دار قع ولا على كتافو يماه من جيهة و  
ختو من جيهة و لخدمة من جيهة وحد لمرّة  
كان طالع هبطت ليه مريم قاتلو اذا كاش  
مانعاونك بسك غاضها بزاف شافتو يتعب  
مسكين مع يماه و دار و لخدمة قالها لالا  
صحيتي راني لباس وهو دموع يغرغرو بين

عينيه طلع وطلعت مريم موراہ تجري  
دخلت بلا متقولو راحت طلت علا يماہ قاتلها  
سلامة راسك قاتلها يسلمك نتي هي مريم؟  
قاتلها وي انا هي قاتلها الله يبارك شابة ربي  
يحفظك ملعين قاتلها يسلمك طاطا راحت  
لكوزينة طيبتلهم عشا وعصام راح للخدمة  
كملت و عطات ليمات عصام و ختو ياكلو  
نظفت لحالة وراحت لدارهم قاتلها يماها ربي  
يحفظك بنتي كيراكي تمديلهم ياكلو و  
تغسليلهم ربي يوفقك فقرايتك رقدو و غدوة  
منذاك هبطت داتلهم لبغرير يفطرو فتحلها  
عصام و كان فرحان قاتلو مريم متفرحش  
بزاف غاضتني خالتي فتيحة برك شنف  
عصام ودخل داتلهم يفطرو كي كملو قاتلها  
يعطيك صحة بنتي جاو روعة قاتلها مشي  
انا لي درتو يما عصام كلى عشرة منهم تالمو  
مسكين كان جيعان بزاف و تعبان ومريم

تضحك عليه غير ملتحت كفاه كان ياكل

ملجوع

الجزء ٧ : عصام متعب رقد و مريم كملت  
تنظيف و طلعت لدارهم تجري كي ناض لقا  
لحالة كامل مفروسة و هو فهاذاك لحزن دعا  
تكون مريم من نصيبو كمل مد لحليب ليماه  
و سارة و خرج يشم شوية هوا هبطت مريم  
لابسة سروال مزير و تريكو قصير كرشها  
شوية تبان و طالقة شعرها جابداتو يهبل  
وهو طيرتلو عقلو قاتلو يماك راهي مليحة  
قالها صافا مبعد قاتلو قريب تخلص عطلة  
تع ربيع و نولو تهلا فيماك بزاف و هي غير  
مشات شوية جا واحد منهيه حب يسرقها  
صاك ناض عصام يجري يدافع عليها طبعهم  
وطاحو فلرض على بعضاهم عصام قاعد

غير يشوف فعينين مريم ونسا روحو مبعد  
ناضت تجري و هربت و عصام عينيه  
معمدين حب طلع لدار يرتاح شوية مبعد  
ناض لقا يماه ناضت تمشي هنا عصام لرض  
ماوسعتش فرحتو بيماه راح يجري عنقها  
ملفرحة وهو هكاك حتان تفتح لباب شاف  
شكون جا ويلقاه راجل يماه ولى هنا عصام  
هبطتو لفرحة ضربة وحدة1

الجزء ٨ : وعصام هكاك فهاذيك لفرحة حتى  
تفتح لباب و هبطتو لفرحة ضربة وحدة  
كيشاف راجل يماه جا هذاك لكلب سكران  
راه جاك لي منعرف وين كان مخبي راسو  
وهرب من المسؤولية نطق راجل يماه قالو  
والاش نسييت دار دااري مكتوبة على  
اسمي لي يخرج منا هو نتا دخل لشمبرة

عصام وبدا يرمى فحوايجو برا يشد ملخزانة  
و يرمي و عصام يعيط ويقولو ياوحد لكلب  
حط رب لحوايج و يمات عصام تبكي  
وتقول ربي وكيك يا قادة ربي وكيك زك  
عصام و غلق عليه لباب و قالهم مليون  
تساو هذا عصام هنا و عصام مسكين مالقا  
وين يروح حتى عيطلو صاحبو راح ليه  
يسكن لفيق قدام دار مريم قالو راک خوبا  
اقعد هنا حتى يفرج عليك ربي ومنجيهة  
عصام تهنا من راجل يماه ولى يخدم و يجي  
يرقد ثم واحد لمرة كان هابط مع صبح تلاقا  
مريم رايحة ليسى قالها نوصلك قاتلو لا  
مكلاه ذك تجي اكرام وصلت اكرام شافت  
عصام قالها صبح لخير وراح و اكرام من لي  
شافت عصام وهي طايحة فيه بعشقة و  
مريم تقولها وشبيك ملقيتي ماتحي هذا  
عصام مسكين يخدم حمال و ماغندو والو



مي اكرام قعدت هكاك تحبو و منحاتوش  
من راسها طول طريق وهي تسقسي مريم  
عليه

الجزء ٩ : دخلت مريم و اكرام ليسي ومريم  
غير تخمم كفاه اكرام ولات تحب عصام  
لحمال شوية هكا حتا نطقت اكرام قاتلها  
عصام شحال عمرو قالت مريم معلاباليش  
بتشناف وراحت كملو درس خرجو علا ١٢  
لدار شافو عصام عند لباب اكرام عينيها  
شعلو ملفرحة راحت تجري ليه قاتلو واش  
عصام صافا قالها حمد لله وشبيها صحبتك  
لاه مجاتش قاتلو ماديرش على مريم  
ماتحبش تخلط قالها ايبيه مريم جارتى  
ونعرفها مليح قاتلو يودي مريم مهبولة مي  
حنينة بزاف ملداخل قالها وي علابالى راح

يجري مور مريم قالها واش مريومة  
نسيتيني قاتلو نتا متنسانيش يوحد سامط  
لحقو للحومة واحد قعد يتبلا فمريم خزر  
فيه عصام جا ليه قالو نتا واش دخلك نتبلاها  
ليوم وغدوة نتا واش خصك دار ليه عصام  
ضربو بدبزة لعينو ناض هذاك زاد ضربو و  
جبدلو لموس ضربو لكرشو و هرب و مريم  
تعيط و تبكي ياناس عاونونا ياناس عصام  
نوووض عصاام عصاام

الجزء ١٠ :11& مريم تبكي وتقولو انا سبة  
انا سبة و ليبومبيي يقولولها راه خسر بزاف  
دم ولازملو دم دخلو بعصام يجرو و كانت  
زمرة دم مريم كما تاعو نحاولها و مدتلو  
بسك حست روحها هي سبة فواش صرالو  
قعد يومين وهو فسبيطار ومريم كانت تجي

تشوفو منين ذاك وتطل عليه كي حكات  
لاكرام تخلعت واش صرا لعصام راحت تجري  
ليه لسبيطار و قاتلهم نقعد معاه نطقت  
مريم قاتلها لاه تقعدي معاه روي قاتلها  
نتي واش دخلك نقعد هنا نتي ماخصكش  
قاتلها مريم هكا اكرام نتي لي درتك كي ختي  
تهدري معايا بهاذ طريقة معليش رفدت  
كرطابها وراحت تجري و اكرام قاعدة مع  
عصام شاداتو ميدو و قاعدة حتى لعشية  
راحت فليل فطن عصام لقا يماه وختو  
قدامو و يماه تبكي و تقولو سمحلي  
ياوليدي سمحلي وهو يقلها يا يما ونتي علاه

الجزء ١٢ : عصام تخلع قالها علاه واش كاين  
واش درتلك مريم قاتلو معلاباليش اخطي  
جدي برك وراحت عصام قعد مختار واش

صرالها كانت تهدر معاه نورمال غدوا منذاك  
راح ليسي شاف اكرام سقساها علا مريم  
قاتلو معلاباليش ماهيش تهدر معايا قاتلو  
تحسنت شوية قالها صافا خير من لي كنت  
قاتلو وشرايك نروحو نفطرو فكاش بلاصة  
قالها اوكي راحو فطرو قاتلو اكرام راك تخدم  
حمال ياك قالها ايه نخدم حمال قاتلو واش  
منيفو عندك قالها تيرمينال خرجت باه نخدم  
على يما و ختي قاتلو وشرايك نشوفلك  
خدمة متصرف قالها ااه وين هاذي قاتلو  
فلوزين تاع بابا يحتاج متصرف مبعد نحكيو  
عليك تبان راجل تاع صح وتاع مسؤولية قالها  
اواه لالا قاتلو اكرام والله والو صايي ديرها  
فرات كامل ملقاش وش يهدر خلص لفظور  
وراح شافتو مريم راحت تجري و هو راح  
موراها شدها ميدها قاتلو يازبل نتا حمار تاع  
صح واش قتلك ماتزيدش تخرج فطريقي يا

زبال ديجا واش راك حاسب روحك حمال  
هنايا دورو ما عندكش فلجيب يوحد طلاب 2

الجزء ١٣ : قالها عصام هكا يا مريم اه انا  
وليت طلاب قاتلو ايه طلاب و حابس علاه  
تتا كاشما نيفو عندك كاش ما عندك نتا نتا  
والو زيرو ماتسواش هه ديجا كنت غير  
نحرش بيك علابالي تتا تحبني مي انا في  
ميزك زعما نحبك انا نحب واحد كما نتا  
هذي طول عمرك احلم بيها ومتصراش  
يالكافي هنا عصام طلق يدها و قالها من  
قلبك هاذ لهدره مريم سكتت مبعده عيط  
وقالها مريم من قلبك هاذ لهدره قاتلو ايه  
من قلبي يالحمال وراحت هنا عصام تدمر  
كليا بعدما عايرتو و سباتو مكانش متوقع  
من مريم لي حلم بيها تهدرو هدره جرحاتو

كارثة راح بدا يمشي و يمشي شاف اكرام  
خرجت مريسطورو قاتلو وشبيك عصام  
قالها والو واش قلتيلي قبيل علا لخدمة راني  
موافق نخدم قاتلو ياااااي عصام هذا احلى  
خبر فحياتي هي برك باه تزيد تقربو ليها كثر  
راح عصام لدار قال ليماه لقيت خدمة جديدة  
فلوزين قاتلو ربي يوفق يوليدي طلع لدار  
صاحبو قبل ميحي راجل يماه وجازت هذيك  
ليلة وهما سهرانين قالو صاحبو يحبيبي  
لبنات مايليقش معاهم لحب يحبو لواحد لي  
يجرجرهم يصاحبي

الجزء ١٤ : لبنات بزاف كلبات يحبو لي  
مichelهمش وانا علابالي بيك يصاحبي تحب  
هذيك مريم وشحال ونتا تجري موراها مي  
هي نافخة روحها عليك هاك هاك هذي

لحبة تنسيك في همومك داها عصام  
ومعلابالوش صاحبو بلي عطالو لادروڤ  
عقبالو كاش فيتامين مليح بسك عصام  
مسكين كان نية بزاف بلخف يأمن و يصدق  
ولا عصام مدمن على هذوك لحبوب باه  
ينسا لمشاكل ولا غير يضحك وحدوو هذا  
كان تأثير لادروڤ عليه ولى يخرج بزاف مع  
اكرام و يخدم متصرف فلوزين تاعهم راح  
لحانوت تع رجال قالو حاب نبذل كامل  
ستايل تاعي شوفلي قش شباب اكرام  
ماصدقتش بلي هذا عصام لحمال لي كانو  
حوايجو موسخين هو كان زين و زادتلو لبسة  
ولى بوقوص وحد لمره شافتو مريم راحت  
تجري ليه قالها وشبي ربك جاية ليا2

الجزء ١٥ : واش تسحقي يلقارية قاتلو والو

حببت برك نسلم عليك قالها ابييه واش من  
مناسبة جيتي تسلمي عليا قاتلو تحلبت ياه  
وليت تلبس لماركة قالها هاذ شي  
مايخصكش ومن بكري محلب قضية دراهم  
برك ايا ذركا طيري موجهي ايا روحي منا  
وبلاكي تزيدي تجي لعندي فهمتي قاتلو  
اوكي انا لي حمارة جيت عندك راحت مريم  
لدار دخلت سكرت لباب و تبكي وتقول هه  
هذا لحمال يرخسني هكا ذك نوريلو شكون  
مريم كلب هنايا عمرت بدون تاع ماء غير  
دخل عصام باطيمة رماتو عليه تشمخ كامل  
و بدا يطيح قالها علابالي نتي يوحد رخيصة  
هاني طالع لربك ليوم راحت عليك طب طب  
فبايهم ماحبتش تفتح ناضت يماها فتحت  
لباب قالها ربي بنتك هذيك سوفاجة لي  
متحشمش رمات عليا لما ملفوق وقوليلها  
راه يحلف فيك عصام يسوفاجة يما مريم



خلعت راحت ليها قاتلها هبلتي ديرى هكا  
قاتلها هو لي ميحشمش سبني برا غدوا  
منذاك وهي رايحة ليسي حكمها عصام عند  
لباب قالها عمبالك نسيت واش درتيلي  
لبارح ارواحي لهنا1

الجزء ١٦ : حكمها عصام بين يديه و مريم  
تعيط وهو كان زاطل بزاف هذاك ليوم قعد  
يبوس فيها ماحبش قع يطلقها من خدها  
لغمها وهي تسيي تبعدو عليها حتان  
خبشاتو فوجهو كامل هربت و قالها تزيدي  
تلعبي معايا نلعب معاك فعفايس كثر  
مريم خافت و ارتعبت بزاف منو قعدت  
تقول مشي هذا عصام لي عرفتو مشي هذا  
هو فعلا عصام تغيير كامل ولى ملادروفي  
مايخرجش صاحبو بعدما كان يمدهالو ولى

بيبعهاو دراهمو نصهم يروحو فلادروڤ حتا  
اكرام كانت تمدلو دراهم باسكك كانت  
مرفهة بزاف لمهم هذاك ليوم راحت مريم  
ليسي غير دخلت راحت تجري لوين قاعدة  
اكرام حكمتها مشعر و تسحب و تجبد و  
تسحب و تقولها نتي لي درتي فعصام هكا  
نتي لي خسرتي بيناتنا يرخيسة و اكرام  
ضربت مريم كف و طلعت فوقها و طاحت  
عليها بلكفوف و تقولها نتي يلكلبة لي  
معرفتيش قيمتو وانا ديتو و خدمتو عند بابا  
نتي هي سبة فكلش لي يقرأو معاهم قعدو  
غير بشوفو تخلعو كفاه ايمان و اكرام لي كانو  
خواتات ولاو يتقاتلو هكا خرجت مريم  
ماحبتش تقرا ولات لدار لقات عصام يتكيف  
قدام باطيمة قالها

الجزء ١٨ : هبطو هو و اكرام يجرو فساكالي  
تلاقاو بمريم شنفو عليها وراحو وهي خلاص  
عمرها غاضتها بزاف قاتلو عصام قولي  
وشنو هي لخرة قالها راني نخمم نغتصبها  
ونديلها اغلى حاجة عندها ضحكت اكرام  
ههه بركا بركا ماتتمسخر عصام ماشب لهاد  
درجة انك تغتصبها وشبيك لالاحاب  
تباصينا هو عصام كان تأثير لادروفي يزيد عليه  
مولاش جايب خبر كامل قاتلو ايا روح لخدمة  
ذك مبعد نحكو ونحي لفكرة هذي مراسك  
لعشية خرج عصام راح لدار هبطت مريم  
ترفد قضيان مع باباها كانت لابسة شورط  
هبطت ترفد و عصام راح ياكلها بعينيه  
خلاص وفكرة الاغتصاب غير تزيد تكبر في  
راسو جات اكرام شافتها مريم دورت راسها  
وظلعت قاتلو غصام نحيث ياك هذيك

لفكرة قالها ايه ايه متخميش ايا غدوة  
انشالله نتلاقوا قاتلو اوكي تهلا فروحك طلع  
عصام لفوق كانت لباب محلولة سمع بابات  
مريم يقول غدوا نروحو لعند عمته اذا تجي  
معانا

الجزء ١٩ : قعد عصام غير يسمع واش راه  
يقول بابات مريم وسمع مريم قالت انا  
منروحش عندي ليكوغ روحو نتوما برك فرح  
بزاف دخل لدار عطاه صاحبو زوج حبات  
كلاهم على ضربة ولى كامل مشي فعقلو  
غدوا منذاك ماحبش يروح لخدمة مريم  
خرجت صبح دارت ليكوغ وولات لادار جاب  
عصام معاه موس لي يحل لباب فتحها و  
دخل عليها لقاها تغسل فلمواعن حكمها  
ملور ويزير عليها وهي تقولو عصام وشبيك

عصام يماما وتعيط يبابا عصام عصام  
وشبيك وشراك دير يعصاااام وهو حكمها  
وغلق شومبرة عراها كامل وهي تعيط  
وتقولو ربي يعيشك بعدني جبد دوا لي ينوم و  
غمها بيه وهي تعيط وهو ماخلا فيها والو  
من صدرها حتى لتحت كمل خلاها هكاك  
بدمها فطنت مريم وهي تعيط وتبكي  
مسكينة مالقات واش دير ولا واش تقول  
غير تبكي ماعرفتش واش دير نظفت هذاك  
دم وراحت دوشت و خرجت تجري كي  
لمهبولة راحت لاکرام

الجزء ٢٠ : فتحت لباب اكرام مريم عنقتها  
وتبكي وتبكي قاتلها وشبيك مريم وش  
كاين وش كاين اهدري قاتلها عصام جا ليا  
وكسر لباب و غتصبني اكرام طيحت طبسي

ميدها ملخلعة مالقات واش تهدر ومريم  
غير تبكي قاتلها صاي متخافيش اسكتي  
نحلوها اسكتي مي بلاكي تقولي لحتا واحد  
واش صرا راحت مريم لدار ودموع لحسرة  
بين عينيها كفاه راح دير وكفاه راح يكون  
مصيرها مع عصام وباباها ويماما اذا سمعو  
يقتلونها راحت حياتها وراح مستقبلها ولا  
كفاه قعدت جاتها سلسلة من الاحداث لي  
عقبو عليهم وقالت انا سبة فواش صرالي

الجزء ٢١ والاخير ❏❏ وبيدما مريم  
فهازيك لحالة جاو باباها ويماما خلعو شافو  
بنتهم تبكي ومهمومة طلعوها لدار قاتلهم  
مراني حابة نهدر مع حتا واحد خلوني نرقد  
رقدت هذيك ليلة ودموع الحسرة على قلبها  
و خدها ناضت غدوة من ذاك لقات اكرام ثما

تستنا فمریم ماقدرتش تصبر راحت تجری  
لیها عنقتها قاتلها سمحیلی مریم علی واش  
صرا سمحیلی تعیسی اذیتک بزاف راجل  
قدر یفرق بیناتنا و حنا کنا کی لخواطات  
سمحیلی عرفت بلی کان یحبک هکاک و  
درت هذوک لیجاست باه ینساک کنت بزاف  
انانیة معاک مریم عنقتها مریم و  
قاتلها خلاص ذرک لیفات مات لازم نحلو  
مشکلة لیرانی فیها ولازم نلقاه ونهدر معاه  
قاتلها مریم علاه مراهوش یجی؟ قاتلها من  
لیدارها بیا مازدتش شفتو راحو دقدقو فی دار  
صاحبو خرج لیهم قالهم واش تسحقو قالولو  
نسحقو عصام قالهم مراهش هنا  
ومتزیدوش تجو لهننا دقدقو فبابی و خبط  
علیهم لباب هبطت اکرام ومریم لتحت  
قاتلها ماتبکیش لازم تکونی قویة متخافیش  
ختک راهی هنا تعاونک أولا لازم نروحو نحکو

مع يمآ عصام راحو دقدقو فلباب فتحت  
حكاولها كامل لحكاية يمآ عصام خلعت  
هذا مستحيل بني لي ربيتو قاتلها يخالتي  
هذا كامل صاحبو راه يبيعلو فلادروڤ خرجو  
من دار يمآ راحو يديرو خطة باه يوقعو  
صاحب عصام راحت اكرام دقدقت لصاحب  
عصام صفيان قاتلو نحتاجك بهدرة مهمة  
بزاف بزاف جيداتو من يدو هبطو  
لتحت وحكاتلو علا واش دار عصام فمريم  
وفهاذ لوقت مريم دخلت لدار و ركبت كاميرا  
مراقبة وخرجت تجري قالها صفيان معندي  
مدخلني طلع يجري وطلعت اكرام موراه  
تلاقات مريم قاتلها درتي وش قتلك قاتلها  
وي فهاذيك ليلة جا عصام بعدما هرب جا  
بتخبية لدار صاحبو كانت خصاتو حبة هو  
دخل ومدلو صفيان و لكاميرا صورت  
كلشي غدوا منذاك جات اكرام ودات



صفیان باه تقولو واش قالو عصام علی  
مدریم ومدریم دخلت دات لکامیرا و  
خرجت کي کملت اکرام راحو یجرو لابولیس  
شافو کلشي و فهاذیک لیلة داهمو دار  
صفیان و حکموه یمد لعصام داو صفیان  
للحبس و عصام لمركز تع الادمان باه یتعالج  
بعد ۳ شهر رجع عصام کما کان غیر خرج راح  
یجری لمدریم شافها کانت خارجه ملیسی  
مع اکرام قاتلهم ایا ذکا نخلیکم تحکو شویة  
حکا معاها عصام وهبط عند رجليها یبکی  
طلعاتو و قاتلو راک مسامح وهو فرح و  
عنقها و دیراکت راح حکا مع یماه باه تروح  
تخطبهاو و خطبو و قعدو فترة هکاک لحق  
الصیف جابت مدریم لباک بمعدل ۱۸ و  
راحت تقرا الطب غیر کملت عامها لحقت  
مدریم لعامها ثانی فلافاک وقاتلو واش ذکا  
منتزوجوش نطق عصام قالها واذا قتلك

بطلت رب زواج هذا مريم تشوكات من واش  
قال مبعء ضربها بضحة هههههههههه  
قالها يلمهبولة انا راني غير نستنا وكتاه هذيك  
لحظة وراه واجد كلشي كي تخرجو عطلة  
نعرسو لحق صيف ولحق عرس عصام  
ومريم اكرام يلمهبولة ونراكي ارواحي  
سقميلي مكياج طاحلي مسخانة سارة  
بلاكي تخلي خوك يدخل جات لحظة  
لحاسمة ودخل عصام خرج مريم من دارهم  
ركبو فطونوبيل خزت فيه مريم قاتلو عصام  
نحك ههه وحشمانه قالها اه عاوديه قاتلو  
نحباااااك قالها نموت عليك وبعد ثلث  
سنين جابت مريم طفل يهبل عينيه زروقا  
سماوه يونس و عاشو في سعادة و هناء

□□□النهاية□□□